

RESUMAZIUN

digl protocol dalla radunanza communal Surses, da glindesde,
igls 27 da november 2017, allas 20.15, an sala Grava a Savognin

Preschaints: 131 votantas e votants
Presidi: Leo Thomann, mastral
Stgisos: ---
Actuar: Beat Jenal

La radunanza communal Surses digls 27 da november 2017 ò

- approvo cun gronda pluralitad e sainza cuntervusch igl protocol dalla radunanza communal digls 21 d'avost 2017.
- approvo cun 127 cunter 1 vusch igl preventiv digl chint da gudogn e sperdita pro 2018 tgi prevei en surple d'antradas da 1'581'300.00 fr.
- approvo cun 115 cunter 2 vuschs igl preventiv digl chint d'investiziun pro 2018 tgi prevei investiziuns bruttas da 9'146'000.00 fr. Las investiziuns nettas montan a 7'036'000.00 fr.
- approvo cun 116 cunter 9 vuschs igl credit d'impegn da total 950'000.00 fr. per gl'angrondamaint e l'equipaziun dalla deponia Davos Fallung a Savognin (realisaziun an 2 etappas igl 2018 e 2019) ed incumbenzo igl madem mument la suprastanza cun l'execuziun digl project.
- approvo cun 130 vuschs e sainza cuntervusch igl credit da budget da 270'000.00 francs per la sanaziun dalla veia cantunala Rona Soura, Rona - Rona Soura (4. etappa) ed incumbenzo igl madem mument la suprastanza cun l'execuziun digl project.
- approvo cun 112 cunter 8 vuschs igl contract da dretg da biagier cun la Nova Fundaziun Origen pertutgont l'antierioura tga communal a Riom. Igl contract vign fatg per ena dirada da 30 onns ed en tschains da 1'000.00 fr. ad onn.
- decidia cun 129 cunter 1 vusch da cassar per data dalla decisiun la lescha da vitturigns digl anteriour cumegn da Savognin.
- fixo cun 128 vuschs e nigra cuntervusch igl pe da taglia per igl onn 2018 sen 100% dalla taglia cantunala simpla.
- fixo cun 127 vuschs e nigra cuntervusch la quota per la vendita dad immobiglias ad esters pigl onn 2018 sen 100%.
- piglia cunaschientscha da diversas infurmaziuns.

Igl protocol dalla radunanza communal digls 27 da november vign exponia a partair digls 11 da december 2017 an canzleia communal a Tinizong. Tottas persungas cun dretg da votar an tgossas communalas pon piglier invista digl protocol.

Tinizong, igls 7 da december 2017

Suprastanza communal Surses

Igl mastral: Igl actuar:
sig. Leo Thomann sig. Beat Jenal